

## II - ARABAKO LURRALDE HISTORIKOAREN TOKI ADMINISTRAZIOA

### AYUNTAMIENTO DE BARRUNDIA

#### Musika arloko bekak

Alkate-udalburuak, 2019ko irailaren 25eko 395. erabakiaren bidez, musika ikasketen arloan dirulaguntza ematearen deialdia onartu zuen (2018/2019 ikasturtea).

2019ko ekitaldirako aurrekontu orokorrean egitaratzeko udal araudiaren IV. Eranskinean deialdi hori arautuko duen araudia jasotzen zen, honako hau izanik:

#### Musika arloko bekak

##### I. LEGE ETA EKONOMIA ESPARRUA.

Diru-laguntzen 38/2003 Lege Orokorrak, azaroaren 17koak, horrela definitzen ditu diru-laguntzak: Administrazioak pertsona publiko eta pribatuei ematen dien dirua, betiere honako baldintzak betetzen badira:

– Hartzaillearen kontraprestazio zuzenik ez izatea.

– Helburu jakin bat betetzeko, proiektu bat gauzatzeko, jarduera bat burutzeko, jarrera berezi bat hartzeko edo egoera bereziren bati aurre egiteko bideratuta egotea (egina edo egiteke), betiere, hartzailleak aurrez ezarritako betebeharrak material edo formalak konplitu beharko dituelarik.

– Finantza proiektu, ekintza, jarrera edo egoera horren helburua izatea erabilera publikoko eta interes sozialeko jarduera bat edo helburu publikoren bat sustatzea.

– Aipatutako 38/2003 Legearen 9. artikulua xedatzen du, diru-laguntzak eman aurretik, emakida arautzen duten oinarriek ezarritako arauak onartu beharko direla, Legez ezarritako terminoetan. Oinarri hauen helburua da Barrundiako udalerrian musika ikasketetarako beken emakida-esparrua arautzea.

##### II. BALDINTZA OROKORRAK.

2.1. Barrundiako udalak bekak emango dizkie honako musika-ikasketak egiten dituzten adingabe guztiei, baldin eta Barrundian erroldatuta badaude: 1. mailako irakasgaiak, musika-hizkuntza, instrumentua, armonia modernoa, instrumentu-taldea edo comboa, ahots-taldea eta irakaskuntza indartua edozein "Udal Musika Eskolatan".

2.2. 2018-2019 ikasturteko ekitaldian zehar (2019ko irailaren 1era bitarte) egindako ikastaroen arabera onartuko dira bekak eta honako terminoetan eskainiko da diru-laguntza:

. Musika Eskolako titularrak likidatutako kuotak, kontuan izanik bekaren zenbatekoa erroldatu eta erroldatu gabeen arteko kostu diferentzialaren ehuneko 100ekoa izango dela.

##### III. BALIZKO HARTZAILEEN DEFINIZIOA.

3.1. Musika ikasketetarako beken hartzailleek baldintza hauek bete beharko dituzte:

– Laguntzen eskatzaile eta balizko hartzailleek 2018ko urriaren 1aren aurretik Barrundian erroldatutako familia-unitateko kide izan beharko dute.

Deialdiaren ondorioetarako, familia-unitatea izango da honako multzoetako batean kokatzen dena:

a) Ezkontideek eta 2.1 oinarrian aipatutako mailetan matrikulatuta dauden adingabeko seme-alabek osatua.

b) Bikote egonkorrek (legedia espezifikokoaren arabera) eta matrikulatuta dauden adingabeko seme-alabek osatua.

c) Legezko bereizketa kasuetan, edo ezkontza-loturarik ez dagoenean, edo bikotekide egonkor zein bizilagunik ez dagoenean, amak edo aitak eta 2.1 oinarrian aipatutako mailetan matrikulatuta dauden adingabeko seme-alabek osatua.

3.2. Laguntza-xede den adingabeko ikaslearen ama, aita, tutorea edo haren zaintza eta babesaren arduraduna izango da eskatzailea.

#### IV. 2019AN MUSIKA IKASTEKO BEKEN GEHIENEZKO ZENBATEKOA ETA AURKEZTU BEHARREKO DOKUMENTAZIOA.

4.1. 2019rako esleitutako beken zenbatekoa, guztira, ezin izango da 3.500,00 eurotik gorakoa izan. Epe barruan aurkeztutako eskarien arabera, diruz lagundu beharreko gehienezko zenbatekoa hartarako aurrekontuaren gordailua baino handiagoa bada, laguntza bakoitzaren gehienezko zenbatekoa murriztu egingo da, aurrekontu-gordailuak estali ahal izateko moduko portzentajea.

4.2. Eskaria eta dokumentazioa ekitaldi honetako urriaren 31 baino lehen aurkeztu beharko dira Barrundiako Udalaren Erregistro Orokorrean.

4.3. Hartzailak honako dokumentazioa aurkeztu behar du:

– Musika ikasketetarako beka eskariaren inprimakia.

– Ordainketa egin izanaren agiria.

– Udal Musika Eskolako Zuzendariaren Ziurtagiria, ikaslearen ikasturteko aprobetxamenduari buruzkoa.

– Eskatutako bekearekin eta izan litezkeen beste batzuekin gain-finantzaketarik izango ez dela jasotzen duen zinpeko adierazpena.

– NANaren fotokopia eta hirugarrenaren alta-inprimakia behar bezala beteta, beka lehen-dabizikoz eskatzen bada edo zenbatekoa kontu-korrente berri batean sartzeko eskatzen bada.

#### V. LAGUNTZEN TRAMITAZIOA.

Kultura Udal-zerbitzua arduratuko da Oinarri hauetan araututako beka eskariak tramitatzeaz eta organo eskudunari esleipena proposatzeaz, hala badagokio.

Denen ezagutzarako argitaratzen da.

Ozaetan, 2019ko irailaren 27an

*Alkatea*

*IGOR MEDINA ISASA*